

## CLASSIS VI.

## HEXANDRIA.

## MONOGYNIA.

## LEUCOIIUM.

22. LEUCOIIUM *autumnale* spatha multiflora, corollis tubulosis, stylo filiformi.

Leucojum minus bulbosum autumnale. *Clus. hisp.* 271. f. 272.

Leucojum bulbosum tenuifolium minus autumnale. *Griff. virid.* 89.

*Habitat* in montanis, ad Porto legi unicum exemplar in latere montano, loco elevato sterili ad littus australe fluvii Durii, nuper infloreatum.

*Radix* bulbosa, sub terra longius sita (adhuc non vidi).

*Folia* (nulla vidi)

*Scapus* palmaris, erectus, teretiuseculo-subangulatus, glaber.

*CAL.* *Spatha* monophylla, lineari-lanceolata, dehiscens, terminalis, biflora (in subjecto), floribus pedunculatis, nutantibus.

*COR.* hexapetala, tubulata (non campanulata): *petalis* lanceolato-oblongis, teneris, vix succulentis, tribus exterioribus apice subtridentatis, medio productiore, crassiflore; tribus interioribus apice acuminato, simplice.

*STAM.* *Filamenta* sex, subulata, brevissima. *Antheræ* lineares, compressæ, acutæ, latere utrinque longitudinaliter dehiscentes; dehiscencia versus apicem patula.

*PIST.* *Germen* sub receptaculo, turbinato-trigonum, breve. *Stylus* filiformis, staminibus longior. *Stigma* simplex, subcapitatum, vix stylo crassius.

*PER.* . . .

*SEM.* . . .